

Oschel's Gebootsdach

Beigesteuert von Manfred Schubach
15.03.2006
Letzte Aktualisierung 15.03.2006

Leeve Oschel,

Hügg grad ob de Fasteloovesdag,

dun mer fiere dinge Gebootsdag.

Dat kann jo keine Zufall sin,

villeich hatten die, do booven ihr Finger drin.

Op Kölsch do dät mer sage, met godem Gewisse,

d’r Herrgott hät dat leev Minsch met Glöck beschmesse.

Dat eine es doch klor, die sonnig Gemöd wolle mer all nit messe,

Wie alt de wees, dat wolle mer ganit wesse,

Watt Dich vun andere deit esu avhevve,

es ding Hätzlichkeit, met der do schrigg’s durch et Levve.

Jetzt deiste op d’r Kölschakademie arg vill studeere,

um alles üvver Ding Vatterstadt zu liere.

Zo escht do kome de Kölsche Originale,

dat Bolze Lott dat versoffene, dat ahle,

d’r doktor Schabaudewing met singem Schanzeläufer,

dat wor och ene kapitale Säufer.

Och häste jet gehört vum Urjels Palm dem Drehorgelsspieler,

dem Militärinvaliden, dem Husar, do weis dä met dä zwölf Kinder.

Dä Möler Bock, der met dem Sporen am linke Foss,

de Fraulück tät hä Blome bringe, un nohm se dann widder met no Huus.

Un met d’r Kölsche Foderkaat, küste bestens jatz parat.

Ob Pannekoche met Ferkesspeck, Rievkoche us d’r Pann, gestuvte Mührche oder Quallmänncher met Herring,

dat alles kann Dich jatz nit mie verwirre.

Un vun Kölsche Geschichte, vum oppidum Ubiorum, Kaiser Claudius un singem Agrippina,

kanns do, Ooschel bal e Leedche singe.

Wann do deist de 12 Romanische Kirche obzälle,

do deit sich die Gesech leicht obhelle.

Un dat dä Adenauer nohm Kreeg d’r eschte Bürgermeister wor,

ja dat es doch wohl jedem vun uns klar.

Mer wünsche der wiggerhin beim studeere vill glöck,

bal beste en Kölsch-Akademikerin, dat geht ganz flöck.

Hügg sin mer all alääät, un dun vun Hätze der gratuleere,

Ich han genug geschwaad, jetz wolle mer mit der ärg vill fiere.

Manfred Schubach 26. Februar 2006